

【世主妙嚴品第一】 的【佛十身】(佛德)

世主妙嚴品第一

一時，佛在摩竭提國，阿蘭若法菩提場中。始成正覺：

其地堅固，金剛所成…。

其菩提樹，高顯殊特。金剛為身·瑠璃為幹…

如來所處宮殿樓閣，廣博嚴麗充遍十方…

其師子座高廣妙好。摩尼為臺·蓮華為網·清淨妙寶以為其輪…

…復以諸佛威神所持，演說如來廣大境界，妙音遐暢，無處不及。

爾時世尊處於此座·於一切法成最正覺。(以上總說佛德)

(以下約十德，別顯佛十身)

智入三世悉皆平等。

其身充滿一切世間·其音普順十方國土。譬如虛空具含眾像·於諸境界無所分別·又如虛空普遍一切·於諸國土平等隨入。身恆遍坐一切道場·菩薩眾中威光赫奕·如日輪出照明世界。三世所行眾福大海，悉已清淨·而恆示生諸佛國土。無邊色相，圓滿光明·遍周法界，等無差別·演一切法·如布大雲·一一毛端，悉能容受一切世界，而無障礙·各現無量神通之力，教化調伏一切眾生。身遍十方而無來往·智入諸相，了法空寂。三世諸佛所有神變，於光明中靡不咸覩·一切佛土不思議劫所有莊嚴悉令顯現。

(疏)

別中：即約十德，別顯十身·文即分十：一、三業普周·二、威勢超勝·三、福德深廣·四、隨意受生·五、相好周圓·六、願身演法·七、化身自在·八、法身彌綸·九、智身窮性相之源·十、力持身持自他依正。

一、三業普周，即別顯菩提身之相也·以成菩提時得無量清淨三輪故。

(鈔)【三業普周等】者：十中後五全十身名·前五無有身言·而義具之：三業普周即菩提身·前總中已釋。威勢超勝即威勢身·福德深廣即福德身·隨意受生即意生身·相好周圓即相好莊嚴身。

佛十身表解

佛十身	經文	疏鈔
1、三業普周	智入三世悉皆平等。(意業) 其身充滿一切世間。(身業) 其音普順十方國土。(語業) 譬如虛空具含眾像·於諸境界無所	同義多種，如下十忍

	分別·又如虛空普遍一切·於諸國土平等隨入。	品。
2、威勢超勝	身恆遍坐一切道場· 菩薩眾中威光赫奕· 如日輪出照明世界	言【一切道場】者，略有十種：
3、福德深廣	三世所行眾福大海，悉已清淨·	
4、隨意受生	而恆示生諸佛國土。	
5、相好周圓	無邊色相，圓滿光明· 遍周法界，等無差別·	
6、願身演法	演一切法·如布大雲·	
7、化身自在	一一毛端，悉能容受一切世界， 而無障礙·各現無量神通之力， 教化調伏一切眾生。	
8、法身彌綸	身遍十方而無來往·	
9、智身 窮性相之源	智入諸相，了法空寂。	
10、力持身 持自他依正	三世諸佛所有神變，於光明中靡不咸覩·一切佛土不思議劫所有莊嚴悉令顯現。	